


CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

SEP. 28 1956

T2516 /4245

史記鈔

7



史記卷之十七

太伯避歷江實是道文或世

傳實與荆楚夫左克齊子齊陽

既滅吳伯之誠什吳世家第一

氏去伯太伯弟仲雍皆周太王之

兄也季歷昏而仲雍子且太王欲

於是太王伯仲雍二人乃再相

可也

整齊處微有簡
 法然不為甚工
 大約重在太伯
 季子觀末論贊
 可見 文潔
 敘事中入虛字
 用以點綴批別
 是史公創法讀
 之意狀溢出
 文潔
 常在水中故
 斷髮文身以
 象龍子不見
 傷害

史記鈔卷之十七

太伯避歷。江蠻是適。文武攸興。周文王跡闔廬。紂
 僚賓服荆楚。夫差克齊。子胥鴟夷。信嚮親越。吳國
 既滅。嘉伯之讓。作吳世家第一。

內多有可觀處。大略錯見伍員專諸二傳中。

吳太伯。太伯弟仲雍。皆周太王之子。而王季歷之
 兄也。季歷賢。而有聖子昌。太王欲立季歷。以及昌。
 於是太伯仲雍二人乃犇荆蠻。文身斷髮。示不可
 用。以避季歷。季歷果立。是為王季。而昌為文王。太



非論語虞仲

伯之犇荆蠻。自號勾吳。荆蠻義之。從而歸之。千餘家。立為吳。太伯卒。無子。弟仲雍立。是為吳。仲雍。仲雍卒。子季簡立。季簡卒。子叔達立。叔達卒。子周章立。是時周武王克殷。求太伯仲雍之後。得周章。周章已君吳。因而封之。乃封周章弟虞仲於周之北。故夏虛。是為虞仲。列為諸侯。周章卒。子熊遂立。熊遂卒。子柯相立。柯相卒。子彊鳩夷立。彊鳩夷卒。子餘橋疑吾立。餘橋疑吾卒。子柯盧立。柯盧卒。子周繇立。周繇卒。子屈羽立。屈羽卒。子夷吾立。夷

吾卒。子禽處立。禽處卒。子轉立。轉卒。子頗高立。頗

中國之虞附見

下詳

高卒。子句卑立。是時晉獻公滅周北虞公。以開晉

代號也。句卑卒。子去齊立。去齊卒。子壽夢立。壽夢

立。而吳始益大。稱王。自太伯作吳。五世而武王克

殷。封其後為二。其一虞在中國。其一吳在夷蠻。十

二世而晉滅中國之虞。中國之虞滅。二世而夷蠻

之吳興。大凡從太伯至壽夢十九世。王壽夢二年。

楚之亾大夫申公巫臣。怨楚將子反。而犇晉。自晉

使吳。教吳用兵乘車。令其子為吳行人。吳於是始

吳自壽夢始興
史公雖云嘉太
伯之讓然以篇
法觀之只似至
壽夢乃入題前
但述世系耳
文繁

序諸樊兄弟之次以及闔閭之立如畫

季子事吳九十餘年觀其挂劍于墓不以成倍其心蓋子贏博不以思累其志引兵避楚不以名害其德其所以養之者至矣雖祿之以天下將有終不受而况于無名子由

此段極剔傳中原意明盡允寧

以下並季札使聘列國之事而條附于此者以季札吳公子也未有雅頌之成功而未成安樂然音不怨怒衛康叔武公

通於中國。吳伐楚。十六年。楚共王伐吳。至衡山。二十五年。王壽夢卒。壽夢有子四人。長曰諸樊。次曰餘祭。次曰餘昧。次曰季札。季札賢。而壽夢欲立之。季札讓不可。於是乃立長子諸樊。攝行事。當國王。諸樊元年。諸樊已除喪。讓位季札。季札謝曰。曹宣公之卒也。諸侯與曹人不義。曹君將立子臧。子臧去之。以成曹君。君子曰。能守節矣。君義嗣。誰敢干君。有國非吾節也。札雖不材。願附於子臧之義。吳人固立季札。季札棄其室而耕。乃舍之。秋。吳伐楚。

楚敗我師。四年。晉平公初立。十三年。王諸樊卒。有命。授弟餘祭。欲傳以次。必致國於季札而止。以稱先王壽夢之意。且嘉季札之義。兄弟皆欲致國。令以漸至焉。季札封於延陵。故號曰延陵季子。王餘祭三年。齊相慶封有罪。自齊來犇吳。吳子慶封朱方之縣。以為奉邑。以女妻之。富於在齊。四年。吳使季札聘於魯。請觀周樂。為歌周南。召南。曰。美哉。始基之矣。猶未也。然勤而不怨。歌邶。鄘。衛。曰。美哉。淵乎。憂而不困者也。吾聞衛康叔武公之德如是。是

始造王基

溪也

德化溟遠雖遭亂亡民猶不困宗周殞滅故憂思猶有先王遺風故不懼其風細弱攝于大國之間無遠慮持久之風故曰先決之美盛貌舒緩溟遠有大和之意其詩風刺弊約而義微體疏而不切故曰大風一意三折含意無窮文潔

我字凡十五用而參差有法怨則見周之衰然怨而不言故為先王之遺民也用均畧排然篇法固宜然文潔此段十四句連用而字不底言其不厭滯也削舞曲也言時處其難不得已而放伐故有慚德用均

其衛風乎歌王曰美哉思而不懼其周之東乎歌秦離音肆鄭曰其細已甚民不堪也是其先亾乎歌齊曰美哉泱泱乎大風也哉表東海者其太公乎國未可量也歌豳曰美哉蕩蕩乎樂而不淫其周公之東乎歌秦曰此之謂夏聲夫能夏則大大之至也其周之舊乎歌魏曰美哉颯颯乎大而婉儉而易行以德輔此則盟主也歌唐曰思深哉其有陶唐氏之邈風乎不然何憂之遠也非令德之後誰能若是歌陳曰國無主其能久乎自鄆以下無譏焉歌

小雅曰美哉思而不貳怨而不言其周德之衰乎猶有先王之遺民也歌大雅曰廣哉熙熙乎曲而有直體其文王之德乎歌頌曰至矣哉直而不倨曲而不詘近而不偏遠而不攜遷而不淫復而不厭哀而不愁樂而不荒用而不匱廣而不宣施而不費取而不貪處而不底行而不流五聲和八風平節有度守有序盛德之所同也見舞象箭南籥者曰美哉猶有憾見舞大武曰美哉周之盛也其若此乎見舞韶護者曰聖人之弘也猶有慙德聖

世家 卷十七 吳太伯 四

前叙諸樂有排中之錯此叙歷聘有錯中之排文潔

人之難也。見舞大夏。曰美哉。勤而不德。非禹其誰能及之。見舞招箭。曰德至矣哉。大矣。如天之無不燾也。如地之無不載也。雖甚盛德。無以加矣。觀止矣。若有他樂。吾不敢觀。去魯。遂使齊。說晏平仲曰。子速納邑與政。無邑與政。乃免於難。齊國之政將有所歸。未得所歸。難未息也。故晏子因陳桓子以納政與邑。是以免於樂高之難。去齊。使於鄭。見子產。如舊交。謂子產曰。鄭之執政侈。難將至矣。政必及子。子為政。慎以禮。不然。鄭國將敗。去鄭。適衛。說

至此始出文子是倒挿法文潔

言晉國之祚將集于三家

蘧瑗。史狗。史鮪。公子荆。公叔發。公子朝。曰衛多君子。未有患也。自衛如晉。將舍於宿。聞鐘聲。曰異哉。吾聞之。辯而不德。必加於戮。夫子獲罪於君。以在此。懼猶不足。而又可以畔乎。夫子之在此。猶燕之巢于幕也。君在殯。而可以樂乎。遂去之。文子聞之。終身不聽琴瑟。適晉。說趙文子。韓宣子。魏獻子。曰。晉國其萃於三家乎。將去。謂叔向曰。吾子勉之。君侈而多良。大夫皆富。政將在三家。吾子直。必思自免於難。季札之初使。北過徐君。徐君好季札劍。口

未復出徐君一
奇固增態文

吳與楚始終為
敵國

曰會曰伐曰誅
曰攻曰取皆書

法 文恪

同一弒也而此

以烏字足句若

曰棄疾亦得以

殺靈王烏翁佩

弗敢言。季札心知之。為使上國。未獻。還至徐。徐君
已死。於是乃解其寶劍。繫之徐君冢樹而去。從者
曰。徐君已死。尚誰予乎。季子曰。不然。始吾心已許
之。豈以死倍吾心哉。七年。楚公子圍弒其王夾敖
而代立。是為靈王。十年。楚靈王會諸侯。而以伐吳
之朱方。以誅齊慶封。吳亦攻楚。取三邑而去。十一
年。楚伐吳。至雩婁。十二年。楚復來伐。次於乾谿。楚
師敗走。十七年。王餘祭卒。弟餘昧立。王餘昧二年。
楚公子弃疾弒其君靈王。代立焉。四年。王餘昧卒。

此即不句似可
者然著之却有
矯健之勢是史
公獨法 文索
光之缺僚人以
為札不宜讓國
以起亂不知札

欲授弟季札。季札讓。逃去。於是吳人曰。先王有命。
兄卒。弟代立。必致季子。季子今逃位。則王餘昧後
立。今卒。其子當代。乃立王餘昧之子僚為王。王僚
二年。公子光伐楚。敗而亾。王舟。光懼。襲楚。復得王
舟而還。五年。楚之亾臣伍子胥來奔。公子光客之。
公子光者。王諸樊之子也。常以為吾父兄弟四人
當傳至季子。季子即不受國。光父先立。即不傳季
子。光當立。陰納賢士。欲以襲王僚。八年。吳使公子
光伐楚。敗楚師。迎楚故太子建母於居巢。以歸。因

果立光又肯但
已乎光有國之
心未嘗一息忘
觀其乘間而發
可知是札之謀
正所以已亂也

刺王僚事與專
諸傳大畧同語
互有勝詳評在
彼傳 文契

北伐敗陳蔡之師九年公子光伐楚拔居巢鍾離
初楚邊邑卑梁氏之處女與吳邊邑之女爭桑二
女家怒相滅兩國邊邑長聞之怒而相攻滅吳之
邊邑吳王怒故遂伐楚取兩都而去伍子胥之初
犇吳說吳王僚以伐楚之利公子光曰胥之父兄
為僂於楚欲自報其仇耳未見其利於是伍員知
光有他志乃求勇士專諸見之光光喜乃客伍子
胥子胥退而耕於野以待專諸之事十二年冬楚
平王卒十三年春吳欲因楚喪而伐之使公子蓋

觀變察強弱
也

餘燭庸以兵圍楚之六濞使季札於晉以觀諸侯
之變楚發兵絕吳兵後吳兵不得還於是吳公子
光曰此時不可失也告專諸曰不索何獲我真王
嗣當立吾欲求之季子雖至不吾廢也專諸曰王
僚可殺也母老子弱而兩公子將兵攻楚楚絕其
路方今吳外困於楚而內空無骨鯁之臣是無奈
我何光曰我身子之身也四月丙子光伏甲士於
窟室而謁王僚飲王僚使兵陳於道自王宮至光
之家門階戶席皆王僚之親也人夾持鉞公子光

掘地為室

請也

音披

吳自諸樊以
下兄弟相傳
而不立適是
亂由先人起
也季子力不
能討光故云

詳為足疾入于窟室使專諸置匕首於炙魚之中
以進食手匕首刺王僚鉞交於匈遂殺王僚公子
光竟立為王是為吳王闔廬闔廬乃以專諸子為
卿季子至曰苟先君無廢祀民人無廢主社稷有
奉乃吾君也吾敢誰怨乎哀死事生以待天命非
我生亂立者從之先人之道也復命哭僚墓復位
而待吳公子燭庸蓋餘二人將兵遇圍於楚者聞
公子光弑王僚自立乃以其兵降楚楚封之於舒
王闔廬元年舉伍子胥為行人而與謀國事楚誅

非孫武不能為
此言

言今欲果敢
伐楚可否

伯州犁其孫伯嚭亾奔吳吳以為大夫三年吳王
闔廬與子胥伯嚭將兵伐楚楚拔舒殺吳亾將二公
子光謀欲入郢將軍孫武曰民勞未可待之四年
伐楚取六與澆五年伐越敗之六年楚使子常囊
瓦伐吳迎而擊之大敗楚軍於豫章取楚之居巢
而還九年吳王闔廬謂伍子胥孫武曰始子之言
郢未可入今果如何二子對曰楚將子常貪而唐
蔡皆怨之王必欲大伐必得唐蔡乃可闔廬從之
悉興師與唐蔡西伐楚至於漢水楚亦發兵拒吳

夾水陳。吳王闔廬弟夫槩欲戰。闔廬弗許。夫槩曰。王已屬臣兵。兵以利爲上。尚何待焉。遂以其部五千人襲昌楚。楚兵大敗走。於是吳王遂縱兵追之。比至郢。五戰。楚五敗。楚昭王亾出郢奔鄖。鄖公第欲弑昭王。昭王與鄖公犇隨。而吳兵遂入郢。子胥伯嚭鞭平王之尸。以報父讎。十年春。越聞吳王之在郢。國空。乃伐吳。吳使別兵擊越。楚告急秦。秦遣兵救楚。擊吳。吳師敗。闔廬弟夫槩見秦越交敗。吳吳王留楚不去。夫槩亾歸吳。而自立爲吳王。闔廬

特書孔子是大
關節
秦伯世家始末
甚營而吳越構
兵處不如句踐
傳有神

爾而者而即爾
也上爾字呼之
下而字連下謂
而忍忘耶用均

聞之。乃引兵歸。攻夫槩。夫槩敗。犇楚。楚昭王乃得。以九月復入郢。而封夫槩於堂谿。爲堂谿氏。十一年。吳王使太子夫差伐楚。取番。楚恐而去郢。徙都十五年。孔子相魯。十九年夏。吳伐越。越王句踐迎擊之。檣李。越使死士挑戰。三行。造吳師。呼自剄。吳師觀之。越因伐吳。敗之。姑蘇傷。吳王闔廬指軍却七里。吳王病傷而死。闔廬使立太子夫差。謂曰。爾而忘句踐殺汝父乎。對曰。不敢。三年。乃報越。王夫差元年。以大夫伯嚭爲太宰。習戰射。常以報越爲

增損左傳處雖不甚見法然覺少加明勁 文潔

方十里為成 五百人為旅

志二年吳王悉精兵以伐越敗之夫椒報姑蘇也。越王句踐乃以甲兵五千人棲於會稽使大夫種因吳太宰嚭而行成請委國為臣妾吳王將許之。伍子胥諫曰昔有過氏殺斟灌以伐斟尋滅夏后帝相帝相之妃后緡方娠逃於有仍而生少康少康為有仍牧正有過又欲殺少康少康奔有虞有虞思夏德於是妻之以二女而邑之於綸有田一成有眾一旅後遂收夏眾撫其官職使人誘之遂滅有過氏復禹之績祀夏配天不失舊物今吳不

季子觀樂于魯 知列國廢興于百年之前吳之亡季子豈不知之而終無一言及夫差知言之無益也夫子胥以闔閭伯而夫差殺之如皂隸豈獨難于季子乎嗚呼我以此知夫差之不道致使季子不敢言也 子瞻

如有過之彊而句踐大於少康今不因此而滅之又將寬之不亦難乎且句踐為人能辛苦今不滅後必悔之吳王不聽聽太宰嚭卒許越平與盟而罷兵去七年吳王夫差聞齊景公歿而大臣爭寵新君弱乃興師北伐齊子胥諫曰越王句踐食不重味衣不重采弔歿問疾且欲有所用其眾此人不可不為吳患今越在腹心疾而王不先而務齊不亦謬乎吳王不聽遂北伐齊敗齊師於艾陵至緡召魯哀公而徵百牢季康子使子貢以周禮說

刪左傳具法勁
剛之甚 文潔

棄左作秦

石田不可耕
者也

子胥處君驕臣
說之間而厲其

子于他國非明
哲之道也

子胥始盡謀于
闔閭終盡謀于

夫差自彎弓至
吳至于伏劍惟

一報楚酬親之
心已爾

一報楚酬親之
心已爾

太宰嚭乃得止。因留略地於齊魯之南。九年為騶
伐魯。至與魯盟。乃去。十年因伐齊而歸。十一年復
北伐齊。越王句踐率其眾以朝吳。厚獻遺之。吳王
喜。唯子胥懼。曰：是棄吳也。諫曰：越在腹心。今得志
於齊。猶石田無所用。且盤庚之誥有顛越勿遺。商
之以興。吳王不聽。使子胥於齊。子胥屬其子於齊
鮑氏。還報吳王。吳王聞之大怒。賜子胥屬鏤之劍
以歿。將歿曰：樹吾墓上以梓。令可為器。抉吾眼置
之吳東門。以觀越之滅吳也。齊鮑氏弑齊悼公。吳

王聞之。哭於軍門外三日。乃從海上攻齊。齊人敗
吳。吳王乃引兵歸。十三年吳召魯衛之君會於橐
臯。十四年春吳王北會諸侯於黃池。欲霸中國。以
全周室。六月戊子越王句踐伐吳。乙酉越五千人
與吳戰。丙戌虜吳太子友。丁亥入吳。吳人告敗於
王。夫差惡其聞也。或泄其語。吳王怒。斬七人
於幕下。七月辛丑吳王與晉定公爭長。吳王曰：於
周室我為長。晉定公曰：於姬姓我為伯。趙鞅怒。將
伐吳。乃長晉定公。吳王已盟與晉別。欲伐宋。太宰

吳王爭長于中
國而諸越之入
吳驕為禍胎也

太史公每於結
處留餘波

豁曰。可勝而不能居也。乃引兵歸國。國亾太子內
空。王居外久。士皆罷敝。於是乃使厚幣以與越平。
十五年。齊田常殺簡公。十八年。越益彊。越王句踐
率兵使伐。敗吳師於笠澤。楚滅陳。二十年。越王句
踐復伐吳。二十一年。遂圍吳。二十三年十一月丁
卯。越敗吳。越王句踐欲遷吳王夫差於甬東。予百
家居之。吳王曰。孤老矣。不能事君王也。吾悔不用
子胥之言。自令陷此。遂自剄死。越王滅吳。誅太宰
嚭。以為不忠而歸。

太伯以國授王
季遜之。荆蠻天
下知文武之賢
而不知太伯之
德。所以成之者
遠矣。故曰太伯
其可謂至德也。

太史公曰。孔子言太伯可謂至德矣。三以天下讓
民。無得而稱焉。余讀春秋古文。乃知中國之虞與
荆蠻句吳兄弟也。延陵季子之仁心。慕義無窮。見
微而知清濁。嗚呼。又何其閎覽博物君子也。

尚書首堯典。舜典。春秋首隱公。世家首太伯列
傳首伯夷。貴讓也。川脩
札聽樂而辨六國之興衰。獨不知吳之將亾而
默無一救乎。彼不欲以其身殉鷓夷也。元美

痛猶衰微也
呂尚之祖封
于申後衰微
也繆綢繆于
謂尚綢繆于
幽權之策韜
略陰符是也

史記鈔卷之十八

申呂肖矣尚父側微卒歸西伯文武是師功冠羣

公繆權于幽番番黃髮爰饗營丘不背柯盟桓公

以昌九合諸侯霸功顯彰田闢爭寵姜姓解亾嘉

父之謀作齊太公世家第二

序太公始為陰謀處兵家者言也非是○序管仲始末及桓公之子五公子爭立處有生色○序崔杼之弑淖公以下少神理矣

襄公元年始為太子時嘗與無知鬪及立絀無知秩服無知怨四年魯桓公與夫人如齊齊襄公故

伏弑襄公案

襄公以滿虐也

讓責也

左傳此段絕工
妙此增損不數
字句用以就直
核而精神頓減
以所知文各有
法文繁

鬼改形為豕
也

弗左傳作費
人名

左傳此段巧而
簡絕有味態此
却直而繁大不
及文繁

倒叙法

嘗私通魯夫人。魯夫人者，襄公女弟也。自釐公時，嫁為魯桓公婦。及桓公來，而襄公復通焉。魯桓公知之，怒夫人。夫人以告齊襄公。齊襄公與魯君飲，醉之，使力士彭生抱上魯君車，因拉殺魯桓公。桓公下車則死矣。魯人以為讓，而齊襄公殺彭生以謝魯。八年，伐紀，紀遷去其邑。十二年，初，襄公使連稱管至父戍葵丘。瓜時而往，及瓜而代。往戍一歲，卒瓜時而公弗為發代，或為請代，公弗許。故此二人怒，因公孫無知謀作亂，連稱有從妹在公宮，無

後為崇

寵使之。間襄公曰：「事成，以女為無知夫人。」冬十二月，襄公游姑棼，遂獵沛丘。見彘，從者曰：「彭生。」公怒，射之。彘人立而啼，公懼墜車，傷足失屨，反而鞭主屨者。弗^{音弗}三百，弗出宮，而無知連稱管至父等聞公傷，乃遂率其眾襲宮。逢主屨，弗曰：「且無入驚宮。」驚宮未易入也。無知弗信，弗示之創，乃信之。待宮外，令弗先入，弗先入，即匿襄公戶間。良久，無知等恐，遂入宮。弗反與宮中及公之幸臣攻無知等，不勝，皆死。無知入宮求公，不得，或見人足於戶間，發

世家

卷十八 齊

二

無知以篡弑也

因奔魯遂接魯
女曰後衛女乃
著傳之句下法
固宜然亦見錯
徐 文潔

視。乃襄公遂弑之。而無知自立為齊君。桓公元年。春。齊君無知游於雍林。雍林人嘗有怨無知。及其往游。雍林人襲殺無知。告齊大夫曰。無知弑。襄公自立。臣謹行誅。唯大夫更立公子之當立者。唯命是聽。初。襄公之醉。殺魯桓公。通其夫人。殺誅數不當。淫於婦人。數欺大臣。羣弟恐禍及。故次第糾奔魯。其母魯女也。管仲召忽傳之。次第小白奔莒。鮑叔傅之。小白母衛女也。有寵於釐公。小白自少好善。大夫高傒及雍林人殺無知。議立君。高國先陰

先急了糾素却
又原桓公事屢
說一遍固有致
亦是史公闡意
法 文潔

召小白於莒。魯聞無知死。亦發兵送公子糾。而使管仲將兵遮莒道。射中小白帶鉤。小白佯死。管仲使人馳報魯。魯送糾者行益遲。六日至齊。則小白已入。高傒立之。是為桓公。桓公之中鉤。佯死以誤管仲。已而載溫車中馳行。亦有高國內應。故得先入立。發兵距魯。秋。與魯戰于乾時。魯兵敗走。齊兵掩絕魯歸道。齊遺魯書曰。子糾兄弟弗忍誅。請魯自殺之。召忽管仲讐也。請得而甘心醢之。不然。將圍魯。魯人患之。遂殺子糾于笙瀆。召忽自殺。管仲

祓謂祓除不祥求福也

此與太公至國脩政以下相對應 瑞先

請囚。桓公之立。發兵攻魯。心欲殺管仲。鮑叔牙曰。臣幸得從君。君竟以立。君之尊。臣無以增君。君將治齊。即高僎與叔牙足也。君且欲霸王。非管夷吾不可。夷吾所居國。國重不可失也。於是桓公從之。乃詳為召管仲。欲甘心實欲用之。管仲知之。故請往。鮑叔牙迎受管仲及堂阜而脫桎梏。齋祓而見桓公。桓公厚禮以為大夫。任政。桓公既得管仲。與鮑叔隰朋高僎修齊國政。連五家之兵。設輕重魚鹽之利。以贍貧窮。祿賢能。齊人皆說。二年伐滅郟。

此霸始事

音廢

此霸者假信

允寧

逐段收漸着桓

所以霸固是瑣

勢亦是闡意史

公每多此法

文潔

郟子奔莒。初桓公亾時過郟。郟無禮。故伐之。五年伐魯。魯將師敗。魯莊公請獻遂邑以平。桓公許。與魯會柯而盟。魯將盟。曹沫以匕首劫桓公於壇上。曰。反魯之侵地。桓公許之。已而曹沫去匕首。北面就臣位。桓公後悔。欲無與魯地。而殺曹沫。管仲曰。夫劫許之。而倍信殺之。愈一小快耳。而棄信於諸侯。失天下之援。不可。於是遂與曹沫三敗所亾地於魯。諸侯聞之。皆信齊而欲附焉。七年諸侯會桓公於甄。而桓公於是始霸焉。十四年陳厲公子完

齊桓之霸也不
以戰勝其猶有
湯武之遺乎
元美
此下數事皆霸
者本色 李默

世家

伏後案

掌百

號敬仲來奔齊。齊桓公欲以為卿，讓於是。以為工
正田成子常之祖也。二十三年，山戎伐燕，燕告急
於齊。齊桓公救燕，遂伐山戎，至于孤竹而還。燕莊
公遂送桓公入齊境。桓公曰：「非天子，諸侯相送不
出境，吾不可以無禮於燕。」於是分溝割燕君所至
與燕，命燕君復修召公之政，納貢于周。如成康之
時，諸侯聞之，皆從齊。二十七年，魯潛公母曰哀姜，
桓公女弟也。哀姜淫於魯公子慶父，慶父弑潛公。
哀姜欲立慶父，魯人更立釐公。桓公召哀姜殺之。

蕩搖也

大約用左傳獨
楚問語無非南
海風馬牛句覺
之波 文繁
此霸者假義
允寧

二十八年，衛文公有狄亂，告急於齊。齊率諸侯城
楚丘而立衛君。二十九年，桓公與夫人蔡姬戲船
中，蔡姬習水，蕩公公懼，止之不止，出船。怒，歸蔡姬。
弗絕，蔡亦怒，嫁其女。桓公聞而怒，興師往伐。三十
年春，齊桓公率諸侯伐蔡，蔡潰，遂伐楚。楚成王與
師，問曰：「何故涉吾地？」管仲對曰：「昔召康公命我先
君太公曰：『五侯九伯，若實征之，以夾輔周室。』賜我
先君履，東至海，西至河，南至穆陵，北至無棣。楚貢
包茅不入，王祭不共，是以來責。昭王南征不復，是

世家

卷十八 齊

五

大路諸侯朝服之車

以來問楚王曰。貢之不入。有之。寡人罪也。敢不其乎。昭王之出不復。君其問之。水濱。齊師進次于陘。夏。楚王使屈完將兵扞齊。齊師退。次召陵。桓公矜屈完以其眾。屈完曰。君以道則可。若不。則楚方城以為城。江漢以為溝。君安能進乎。乃與屈完盟而去。過陳。陳袁濤塗詐齊。令出東方。覺。秋。齊伐陳。是歲。晉殺太子申生。三十五年。夏。會諸侯于葵丘。周襄王使宰孔賜桓公文武胙。彤弓矢。大路。命無拜。桓公欲許之。管仲曰。不可。乃下拜受賜。秋。復會諸

客

伏後救亂案

摠叙桓公霸業甚有力 文恪

終前欲附始霸皆從意 文潔

侯於葵丘。益有驕色。周使宰孔會諸侯。頗有叛者。晉侯病後。遇宰孔。宰孔曰。齊侯驕矣。第無行。從之。是歲。晉獻公卒。里克殺奚齊。卓子。秦穆公以夫人入公子夷吾為晉君。桓公於是討晉亂。至高梁。使隰朋立晉君。還是時。周室微。唯齊楚秦晉為彊。晉初與會。獻公歿。國內亂。秦穆公辟遠。不與中國會盟。楚成王初收荆蠻。有之。夷狄自置。唯獨齊為中國會盟。而桓公能宣其德。故諸侯賓會。於是桓公稱曰。寡人南伐。至召陵。望熊山。北伐。山戎離枝。孤

竹西伐大夏。涉流沙。束馬懸車。登太行。至卑耳山。音壁而還。諸侯莫違寡人。寡人兵車之會三。乘車之會六。九合諸侯。一匡天下。昔三伐受命。有何以異於此乎。吾欲封泰山禪梁父。管仲固諫不聽。乃說桓公以遠方珍怪物至。乃得封。桓公乃止。三十八年。周襄王弟帶與戎翟合謀伐周。齊使管仲平戎於周。周欲以上卿禮管仲。管仲頓首曰。臣陪臣。安敢三讓。乃受下卿禮以見。三十九年。周襄王弟帶來奔齊。齊使仲孫請王為帶謝。襄王怒弗聽。四十一

即雍巫也。雍人名巫。

因倍生近。因宮生親。獨不可泛耳。文潔。

年。秦穆公虜晉惠公。復歸之。是歲管仲隰朋皆卒。管仲病。桓公問曰。羣臣誰可相者。管仲曰。知臣莫如君。公曰。易牙如何。對曰。殺子以適君。非人情。不可。公曰。開方如何。對曰。倍親以適君。非人情。難近。公曰。豎刁如何。對曰。自宮以適君。非人情。難親。管仲歿。而桓公不用管仲言。卒近用三子。三子專權。四十二年。戎伐周。周告急於齊。齊令諸侯各發卒。成周是歲。晉公子重耳來。桓公妻之。四十三年。初齊桓公之夫人三。曰王姬。徐姬。蔡姬。皆無子。桓公

內嬪官也

次五公子爭立
本末如畫

桓公之始亂

好內多內寵如夫人者六人長衛姬生無詭少衛
 姬生惠公元鄭姬生孝公昭葛嬴生昭公潘密姬
 生懿公商人宋華子生公子雍栢公與管仲屬孝
 公於宋襄公以為太子雍巫有寵於衛其姬因宦
 者豎刁以厚獻於栢公亦有寵栢公許之立無詭
 管仲卒五公子皆求立冬十月乙亥齊栢公卒易
 牙入與豎刁因內寵殺羣吏而立公子無詭為君
 太子昭奔宋栢公病五公子各樹黨爭立及栢公
 卒遂相攻以故宮中空莫敢棺栢公尸在牀上六

倒掣轉

目伏後案

十七日尸蟲出于戶十二月乙亥無詭立乃棺赴

鎖前挈後

辛巳夜斂殯栢公十有餘子要其後立者五人無

又提提于此

詭立三月死無謚次孝公次昭公次懿公次惠公

孝公元年三月宋襄公率諸侯兵送齊太子昭而

伐齊齊人恐殺其君無詭齊人將立太子昭四公

子之徒攻太子太子走宋宋遂與齊人四公子戰

五月宋敗齊四公子師而立太子昭是為齊孝公

宋以栢公與管仲屬之太子故來征之以亂故八

月乃葬齊栢公六年春齊伐宋以其不同盟于齊

宋襄公方入孝
 公于齊而孝公
 即惡其求霸而
 伐之非人情也

前已詳叙此逐
段點似可肯然
亦是闕鎖法
文索

也。夏宋襄公卒。七年。晉文公立。十年。孝公卒。孝公弟潘因衛公子開方殺孝公子而立潘。是為昭公。昭公相公子也。其母曰葛嬴。昭公元年。晉文公敗楚於城濮。而會諸侯踐土。朝周。天子使晉稱伯。六年。翟侵齊。晉文公卒。秦兵敗於殽。十二年。秦穆公卒。十九年。五月。昭公卒。子舍立為齊君。舍之母無寵於昭公。國人莫畏昭公之弟商人。以相公死爭立而不得。陰交賢士附愛百姓。百姓說及昭公卒。子舍立孤弱。即與眾十月。即墓上弑齊君舍。而商

世家

客

後前說

作西朝

按上既曰某姬
生某公矣。則此
後曰其母曰某
姬。恐少衍。蓋史
公不及刪者
用均

二語工峭大勝
左傳

人自立。是為懿公。懿公相公子也。其母曰密姬。懿公四年春。初懿公為公子時。與丙戎之父獵。爭獲。不勝。及即位。斷丙戎父足。而使丙戎僕庸職之妻。好公內之宮。使庸職驂乘。五月。懿公游於申池。二人浴戲。職曰。斷足子。戎曰。奪妻者。二人俱病。此言乃怨謀。與公游竹中。二人弑懿公車上。弃竹中而亾。去懿公之立。驕民不附。齊人廢其子。而迎公子元於衛。立之。是為惠公。惠公相公子也。其母衛女曰少衛姬。避齊亂。故在衛。惠公二年。長翟來。王子

後前說

御也

傳曰母適怨

世家

卷十八

齊

九

左傳絕工妙此
但具簡法 文緊

城父攻殺之埋之於北門。晉趙穿弒其君靈公。十年惠公卒。子頃公無野立。初崔杼有寵於惠公。惠公卒。高國畏其偏也。逐之。崔杼奔衛。頃公元年。楚莊王彊伐陳。二年圍鄭。鄭伯降。已復國。鄭伯六年。春。晉使卻克於齊。齊使夫人帷中而觀之。卻克上。夫人笑之。卻克曰。不是報。不復涉河。歸。請伐齊。晉侯弗許。齊使至晉。卻克執齊使者四人。河內殺之。八年。晉伐齊。齊以公子彊質晉。晉兵去。十年。春。齊伐魯。衛魯衛大夫如晉請師。皆因卻克。晉使卻克

客

伏後案

即漢高中流矢
傷胸捫足之意
即紀信乘黃屋
之意

丑父良將也忠
勇而有謀矣
欽佩

以車八百乘為中軍。將士燮。將上軍。欒書。將下軍。以救魯衛。伐齊。六月壬申。與齊侯兵合靡笄下。癸酉。陳于鞌。逢丑父為齊頃公右。頃公曰。馳之。破晉軍。會食。射傷卻克。流血至履。克欲還入壁。其御曰。我始入。再傷。不敢言疾。恐懼士卒。願子忍之。遂復戰。戰齊急。丑父恐齊侯得。乃易處。頃公為右。車絙於木而止。晉小將韓厥伏齊侯車前。曰。寡君使臣救魯衛。戲之。丑父使頃公下取飲。因得亾。脫去。入其軍。晉卻克欲殺丑父。丑父曰。代君死而見僇。後

欲令齊隴
東行也

此與桓公修國
政相對應彼言
齊民大悅是相
應之詞也

為太子下即着
仲姬戎姬恐有
脫字用均

東謂徒之東
也

人臣無忠其君者矣。克舍之。丑父遂得亾歸齊。於是晉軍追齊至馬陵。齊侯請以寶器謝。不聽。必得笑克者。蕭桐叔子令齊東畝對曰。叔子齊君母。齊君母亦猶晉君母子安置之。且子以義伐。而以暴為後。其可乎。於是乃許。令反魯衛之侵地。十一年。晉初置六卿。賞鞏之功。齊頃公朝晉。欲尊王。晉景公。晉景公不敢受。乃歸。歸而頃公弛苑囿。薄賦歛。振孤問疾。虛積聚。以救民。民亦大說。厚禮諸侯。竟頃公卒。百姓附。諸侯不犯。十七年。頃公卒。子靈公

環立。初靈公取魯女生子光。以為太子。仲姬戎姬戎姬嬖。仲姬生子牙。屬之戎姬。戎姬請以為太子。公許之。仲姬曰。不可。光之立。列於諸侯矣。今無故廢之。君必悔之。公曰。在我耳。遂東太子光。使高厚傅牙為太子。靈公疾。崔杼迎故太子光而立之。是為莊公。莊公殺戎姬。五月壬辰。靈公卒。莊公即位。執太子牙於勾竇之丘。殺之。八月。崔杼殺高厚。晉聞齊亂。伐齊。至高唐。莊公三年。晉大夫欒盈奔齊。莊公厚客待之。晏嬰田文子諫。公弗聽。四年。齊莊

公自知見欺
恐不得出故
敬以自悔

公使欒盈間入晉曲沃為內應以兵隨之上太行。
入孟門欒盈敗齊兵還取朝歌六年初崇公妻好
崇公死崔杼取之莊公通之數如崔氏以崔杼之
冠賜人侍者曰不可崔杼怒因其伐晉欲與晉合
謀襲齊而不得間莊公嘗答宦者賈舉賈舉復侍
為崔杼間公以報怨五月莒子朝齊齊以甲戌饗
之崔杼稱病不視事乙亥公問崔杼病遂從崔杼
妻崔杼妻入室與崔杼自閉戶不出公擁柱而歌
宦者賈舉遮公從宮而入閉門崔杼之徒持兵從

通怨

伺隙

左傳平仲語神
妙極有致此但
即取要者於簡
法固宜 文潔
晏嬰不入崔陳
之黨語云君子
不黨二子有焉
用修

中起公登臺而請解不許請盟不許請自殺於廟
不許皆曰君之臣杼疾病不能聽命近於公宮陪
臣爭趣有淫者不知二命公踰牆射中公股公反
墜遂弒之晏嬰立崔杼門外曰君為社稷死則死
之為社稷死則死之若為已死已死非其私暱誰
敢任之門開而入枕公尸而哭三踊而出人謂崔
杼必殺之崔杼曰民之望也舍之得民丁丑崔杼
立莊公異母弟杵臼是為景公景公母魯叔孫宣
伯女也景公立以崔杼為右相慶封為左相二相

親愛也

崔慶之變晏子
仰天不肯盟可
謂疾風勁草矣
齊太史書崔杼
弑莊公兄死弟
繼者三至今稟
稟生氣猶足以
寒亂臣賊子之
膽東爨

恐亂起。乃與國人盟曰：不與崔慶者死。晏子仰天曰：嬰所不獲，唯忠於君利社稷者是從。不肯盟。慶封欲殺晏子。崔杼曰：忠臣也。舍之。齊太史書曰：崔杼弑莊公。崔杼殺之。其弟復書。崔杼復殺之。少弟復書。崔杼乃舍之。景公元年。初，崔杼生子成及彊。其母死，取東部女生明。東部女使其前夫子無咎。與其弟偃相崔氏。成有罪，二相急治之。立明為太子。成請老於崔杼。崔杼許之。二相弗聽。曰：崔宗邑不可。成彊怒，告慶封。慶封與崔杼有卻，欲其敗也。

成彊殺無咎，偃於崔杼家。家皆奔亡。崔杼怒，無人使一宦者御。見慶封，慶封曰：請為子誅之。使崔杼仇盧蒲嫫攻崔氏，殺成彊，盡滅崔氏。崔氏婦自殺。崔杼歸，亦自殺。慶封為相國，專權三年。十月，慶封出獵。初，慶封已殺崔杼，益驕嗜酒，好獵，不聽政。令慶舍用政。已有內卻。田文子謂栢子曰：亂將作。田鮑高樂氏相與謀慶氏。慶舍發甲圍慶封宮。四家徒共擊破之。慶封還，不得入，奔魯。齊人讓魯，封奔吳。吳與之朱方，聚其族而居之。富於在齊。其秋，齊

人徙葬莊公。僂崔杼尸於市以說衆。太史公曰：吾適齊，自泰山屬之琅邪，北被于海，膏壤二千里，其民潤達多，匿知其天性也。以太公之聖，建國本，桓公之盛，修善政，以為諸侯會盟稱伯，不亦宜乎！洋洋哉，固大國之風也。

史記鈔附卷之十八

依之違之。周公綏之，憤發文德，天下和之。輔翼成王，諸侯宗周。隱桓之際，是獨何哉？三桓爭彊，魯乃不昌。嘉旦金滕，作周公世家第三。

太史公曰：余聞孔子稱曰：甚矣魯道之衰也。洙泗之間，斷斷如也。音報東州語也觀慶父及叔牙、閔公之際，何其亂也。隱桓之事，襄仲殺適，立庶三家北面為臣，親攻昭公，昭公以奔。至其揖讓之禮，則從矣。而行事何其戾也。

斷、讀如論語間、如也。言魯道雖微而洙泗之間尚間、如也。

史記鈔附卷之十八

武王克紂。天下未協而崩。成王既幼。管蔡疑之。淮夷叛之。於是召公率德安集王室。以寧東土。燕易之禪。乃成禍亂。嘉甘棠之詩。作燕世家第四。

太史公曰。召公奭可謂仁矣。甘棠且思之。況其人乎。燕北迫蠻貉。內措齊晉。崎嶇疆國之間。最爲弱小。幾滅者數矣。然社稷血食者八九百歲。於姬姓獨後亾。豈非召公之烈耶。

措交禱也又
作錯

燕僻處北鄙。不與中國會盟。及其境內賢人君子。所通於上國者少。故燕世家所書不數事。特

以紀世次而已

史記鈔附卷之十八

管蔡相武庚。將寧舊商。及旦攝政。二叔不饗。殺鮮音仙放度。周公爲盟。太任十子。周以宗彊。嘉仲悔過。作管蔡世家第五。

管叔名鮮蔡
叔名度

太史公曰。管蔡作亂。無足載者。然周武王崩。成王少。天下旣疑。賴同母之弟。成叔冉季之屬。十人爲輔拂。是以諸侯卒宗周。故附之世家言。

此晉師入曹
數之以其不
用僖負羈言
而美女乘軒
三百人也

曹叔世家 附

太史公曰。余尋曹共公之不用僖負羈。乃乘軒者三百人。知唯德之不建。乃振鐸之夢。豈不欲引曹之祀者哉。如公孫彊不修厥政。叔鐸之祀忽諸。

史記鈔附卷之十八

王後不絕。舜禹是說。維德休明。苗裔蒙烈。百世享祀。爰周陳杞。楚實滅之。齊田既起。舜何人哉。作陳杞世家第六。

田常得政於齊
卒為陳氏建國
則周太史陳懿
仲二人者之所
占信矣 允寧

太史公曰。舜之德可謂至矣。禪位於夏。而後世血食者歷三代。及楚滅陳。而田常得政於齊。卒為建國。百世不絕。苗裔茲茲。有土者不乏焉。至禹於周。則杞微甚。不足數也。楚惠王滅杞。其後越王勾踐興。

陳杞小國所次世家不足觀覽

史記鈔卷之十九

牧殷餘民。叔封始邑。申以商亂。酒材是告。及朔之
生。衛傾不寧。南子惡蒯聵。子父易名。周德卑微。戰
國既彊。衛以小弱。角獨後亾。嘉彼康誥。作衛世家
第七。

篇中次宣公奪太子伋妻因聽子朔讒而殺之
而子壽及子伋爭死處可悲。○轉入懿公戴公
文公處令人
流涕太息矣

衛康叔名封。周武王同母少弟也。其次尚有冉季。
冉季最少。武王已克殷紂。復以殷餘民封紂子武

事多而以簡語
括之又使人一
讀即了最是史
公筆力
文繁

庚祿父比諸侯以奉其先祀。勿絕爲武庚未集。恐其有賊心。武王乃令其弟管叔蔡叔傅相武庚祿父以和其民。武王既崩成王少。周公旦代成王治當國。管叔蔡叔疑周公乃與武庚祿父作亂欲攻成周。周公旦以成王命興師伐殷。殺武庚祿父管叔。放蔡叔。以武庚餘民封康叔爲衛君。居河淇間。故商墟。周公旦懼康叔齒少。乃申告康叔曰。必求殷之賢人。君子長者問其先殷所以興。所以亾而務愛民。告以紂所以亾者。以淫於酒。酒之失婦

三誥各以數語
括大旨見簡法
文繁

人是用。故紂之亂自此始。爲梓材。示君子可法。則故謂之康誥。酒誥。梓材。以命之。康叔之國。旣以此命能和集其民。民大說。成王長用事。舉康叔爲周司寇。賜衛寶祭器。以章有德。康叔卒。子康伯代立。康伯卒。子考伯立。考伯卒。子嗣伯立。嗣伯卒。子康伯立。康伯立。考伯立。考伯卒。子靖伯立。靖伯卒。子貞伯立。貞伯卒。子頃侯立。頃侯厚賂周夷王。夷王命衛爲侯。頃侯立十二年卒。子釐侯立。釐侯十三年。周厲王出犇于彘。共和行政焉。二十八年。周宣王立。四十二年。

攷詩與季札稱
衛武公之德粹
矣史記乃有殺
兄代立之說何
其不類也國賢
太史公作史日
毛詩左傳俱未
出是以附會若
此用修

凡直叙事者類
以簡古勝此文
非不簡古而能
以勁筆運之讀
之更覺逸而暢
文潔

釐侯卒。太子共伯餘立爲君。共伯弟和有寵於釐侯。多予之賂。和以其賂賂士。以襲攻共伯於墓上。共伯入釐侯羨自殺。衛人因葬之。釐侯塋。謚曰共伯。而立和爲衛侯。是爲武公。武公卽位。修康叔之政。百姓和集。四十二年。大戎殺周幽王。武公將兵往佐周平戎。甚有功。周平王命武公爲公。五十五年卒。子莊公揚立。莊公五年。取齊女爲夫人。好而無子。又取陳女爲夫人。生子蚤歿。陳女女弟亦幸於莊公。而生子完。完母歿。莊公令夫人齊女子之。

立爲太子。莊公有寵妾。生子州吁。十八年。州吁長。好兵。莊公使將。石碯諫。莊公曰。庶子好兵。使將。亂自此起。不聽。二十三年。莊公卒。太子完立。是爲桓公。桓公二年。弟州吁驕奢。桓公絀之。州吁出犇。十三年。鄭伯弟段攻其兄。不勝。亾。而州吁求與之友。十六年。州吁收聚衛亾人。以襲殺桓公。州吁自立。爲衛君。爲鄭伯弟段。欲伐鄭。請宋陳蔡與俱。三國皆許。州吁。州吁新立。好兵。弒桓公。衛人皆不愛。石碯乃因桓公母家於陳。諱爲善。州吁至鄭郊。石碯

甚明次可讀

與陳侯共謀使右宰醜進食因殺州吁於濮而迎
桓公弟晉於邢而立之是為宣公宣公七年魯弒
其君隱公九年宋督弒其君殤公及孔父十年晉
曲沃莊伯弒其君哀侯十八年初宣公愛夫人夷
姜夷姜生子伋以為太子而令右公子傅之右公
子為太子取齊女未入室而宣公見所欲為太子
婦者好說而自取之更為太子取他女宣公得齊
女生子壽子朔令左公子傅之太子伋母死宣公
正夫人與朔共讒惡太子伋宣公自以其奪太子

父命固不可逆
不曰從治命不
從亂命乎壽以
身成兄其情足
憐而伋之死亦
德矣 丙仲
事類申生而子
壽又過之矣可
涕

妻也心惡太子欲廢之及聞其惡大怒乃使太子
伋於齊而令盜遮界上殺之與太子白旄而告界
盜見持白旄者殺之且行子朔之兄壽太子異母
弟也知朔之惡太子而君欲殺之乃謂太子曰界
盜見太子白旄即殺太子太子可母行太子曰逆
父命求生不可遂行壽見太子不止乃盜其白旄
而先馳至界盜見其驗即殺之壽已死而太子
伋又至謂盜曰所當殺乃我也盜并殺太子伋以
報宣公宣公乃以子朔為太子十九年宣公卒太

惠公不宜有衛

子朔立是為惠公。左右公子不平，朔之立也。惠公四年左右，公子怨惠公之讒，殺前太子伋而代立，乃作亂攻惠公。立太子伋之弟黔牟為君。惠公犇齊。衛君黔牟立八年，齊襄公率諸侯奉王命共伐衛，納衛惠公，誅左右公子。衛君黔牟犇于周。惠公復立。惠公立三年，出亾亾。八年復入，與前通。年凡十三年矣。二十五年，惠公怨周之容舍黔牟，與燕伐周。周惠王犇溫，衛燕立惠王弟頹為王。二十九年，鄭復納惠王。三十一年，惠公卒，子懿公赤立。懿

此太史公極分明處可愛

公即位好鶴，淫樂奢侈。九年，翟伐衛，衛懿公欲發兵，兵或畔。大臣言曰：君好鶴，鶴可令擊翟。翟於是遂入殺懿公。懿公之立也，百姓大臣皆不服。自懿公父惠公朔之讒，殺太子伋，代立。至於懿公，常欲敗之。卒滅惠公之後，而更立黔牟之弟昭伯頑之子申為君，是為戴公。戴公申元年卒，齊桓公以衛數亂，乃率諸侯伐翟，為衛築楚丘，立戴公弟燬為衛君。是為文公。文公以亂故，犇齊。齊人入之。初，翟殺懿公也，衛人憐之，思復立宣公。前死太子伋之

自宣公十八年
至文公叙事極
為詳密 君謹

怨惠公憐子伋
却分棟兩處闡
意此是文章不
拘法 文索

衛君多亂文公
處國家覆亡之
後獨能輕賦平
罪身勞與百姓
同苦平以治稱
一國以一人興
信矣 東發

後伋子又死而代伋歿者子壽又無子太子伋同
母弟二人其一曰黔牟黔牟嘗代惠公為君八年
復去其二曰昭伯昭伯黔牟皆已前歿故立昭伯
子申為戴公戴公卒復立其弟燬為文公文公初
立輕賦平臯身自勞與百姓同苦以收衛民十六
年晉公子重耳過無禮十七年齊桓公卒二十五
年文公卒子成公鄭立成公三年晉欲假道於衛
救宋成公不許晉更從南河度救宋徵師於衛衛
大夫欲許成公不肯大夫元咺攻成公成公出犇

私路之也

晉文公重耳伐衛分其地予宋討前過無禮及不
救宋患也衛成公遂出犇陳二歲如周求入與晉
文公會晉使人鶴衛成公成公私於周主鶴令薄
得不死已而周為請晉文公卒入之衛而誅元咺
衛君瑕出犇七年晉文公卒十二年成公朝晉襄
公十四年秦穆公卒二十六年齊邴歆弒其君懿
公三十五年成公卒子穆公遯立穆公二年楚莊
王伐陳殺夏徵舒三年楚莊王圍鄭鄭降復釋之
十一年孫良夫救魯伐齊復得侵地穆公卒子定

盱眙也

公臧立。定公十二年卒。子獻公衎立。獻公十三年。公令師曹教官妾鼓琴。妾不善。曹笞之。妾以幸。惡曹於公。公亦笞曹三百。十八年。獻公戒孫文子甯惠子食。皆往日盱。不召而去。射鴻於囿。二子從之。公不釋射服。與之言。二子怒。如宿。孫文子子數侍公飲。使師曹歌。巧言之。卒章。師曹又怒。公之嘗笞三百。乃歌之。欲以怒孫文子。報衛獻公。文子語蘧伯玉。伯玉曰。臣不知也。遂攻出獻公。獻公犇齊。齊置衛獻公於聚邑。孫文子甯惠子共立定公。弟秋

與春秋抵牾
文潔

此叙獻公信說
笞曹致此。外十
二年而入。故委
曲詳密如此
以棟

為衛君。是為殤公。殤公秋立。封孫文子林父於宿。十二年。甯喜與孫林父爭寵。相惡。殤公使甯喜攻孫林父。林父犇晉。復求入。故衛獻公。獻公在齊。齊景公聞之。與衛獻公如晉。求入。晉為伐衛。誘與盟。衛殤公會晉平公。平公執殤公。與甯喜。而復入衛。獻公。獻公亾在外。十二年而入。獻公後元年。誅甯喜。二年。吳延陵季子使過衛。見蘧伯玉。史鮪曰。衛多君子。其國無故。過宿。孫林父為擊磬。曰。不樂。音大悲。使衛亂。乃此矣。是年。獻公卒。子襄公惡立。襄

不言所以有惡
衛史為國諱
文潔

公六年。楚靈王會諸侯。襄公稱病不往。九年。襄公卒。初。襄公有賤妾。幸之。有身。夢有人謂曰。我康叔也。令若子必有衛名。而子曰元。妾怪之。問孔成子。成子曰。康叔者。衛祖也。及生子。男也。以告襄公。襄公曰。天所置也。名之曰元。襄公夫人無子。於是乃立元為嗣。是為靈公。靈公五年。朝晉昭公。六年。楚公子弃疾弒靈王。自立為平王。十一年。火。三十八年。孔子來。祿之如魯。後有隙。孔子去。後復來。三十九年。太子蒯瞶與靈公夫人南子有惡。欲殺南子。

郢有命于靈公
何為不立也君
毫于寢而嗣定
焉禮也遊非其
時郊非其地郢
其敢從諸然則
郢之辭禮也無
愧于季札矣而
不見稱于君子

蒯瞶與其徒戲陽。邀謀朝使殺夫人。戲陽後悔。不果。蒯瞶數目之。夫人覺之。懼。呼曰。太子欲殺我。靈公怒。太子蒯瞶犇宋。已而之晉。趙氏四十二年春。靈公游于郊。令子郢僕。郢。靈公少子也。字子南。靈公怨太子出犇。謂郢曰。我將立若為後。郢對曰。郢不足以辱社稷。君更圖之。夏。靈公卒。夫人命子郢為太子。曰。此靈公命也。郢曰。亾人太子蒯瞶之子。輒在也。不敢當。於是衛乃以輒為君。是為出公。六月乙酉。趙簡子欲入蒯瞶。乃令陽虎詐命衛十餘

何哉。札之賢非
郢之敢望也。雖
然仲尼論衛政
而先正名君子
以為必立郢其
何稱如之。國賢

人衰經歸。簡子送蒯瞶。衛人聞之。發兵擊蒯瞶。蒯
瞶不得入。入宿而保。衛人亦罷兵。出公輒四年。齊
田乞弒其君孺子。八年。齊鮑子弒其君悼公。孔子
自陳入衛。九年。孔文子問兵於仲尼。仲尼不對。其
後。魯迎仲尼。仲尼反魯。十二年。初。孔圉文子取太
子蒯瞶之姊生慳。孔氏之豎渾良夫美好。孔文子
卒。良夫通於慳母。太子在宿。慳母使良夫於太子。
太子與良夫言曰。苟能入我國報子。以乘軒。免子
死罪三三死。母所與與之盟。許以慳母為妻。閏月。良夫與

蒙衣為嬪人
之服以巾蒙
其頭而共乘
也

曰閉門曰及門
曰闔門曰將入
曰姑至曰得入
當日光景模寫
殆盡而子路之
傷勇具見矣
言輒已也母
為復入

太子入舍。孔氏之外圃昏。二人蒙衣而乘宦者羅
御。如孔氏。孔氏之老樂甯問之。稱姻妾以告。遂入。
適伯姬氏既食。慳母杖戈而先。太子與五人介與
猥從之。伯姬劫慳於廁。彊盟之。遂劫以登臺。樂甯
將飲酒。炙未熟。聞亂。使告仲由。召護駕乘車行。爵
食炙。奉出公輒。犇魯。仲由將入。遇子羔將出。曰。門
已閉矣。子路曰。吾姑至矣。子羔曰。不及。莫踐其難。
子路曰。食焉。不辟其難。子羔遂出。子路入。及門。公
孫敢闔門曰。母入為也。子路曰。是公孫也。求利而

逃其難。由不然。利其祿。必救其患。有使者出。子路乃得入。曰。太子焉用孔悝。雖殺之。必或繼之。且曰。太子無勇。若燔臺。必舍孔叔。太子聞之。懼下石乞。臣當也孟壓敵子路。以戈擊之。割纓。子路曰。君子死。冠不免。結纓而死。孔子聞衛亂。曰。嗟乎。柴也其來乎。由也其死矣。孔悝竟立太子蒯瞶。是爲莊公。莊公蒯瞶者。出公父也。居外。怨大夫莫迎立。元年卽位。欲盡誅大臣。曰。寡人居外久矣。子亦嘗聞之乎。羣臣欲作亂。乃止。二年。魯孔丘卒。三年。莊公上城見戎。

州曰。戎虜何爲是。戎州病之。十月。戎州告趙簡子。

襄公孫

簡子圍衛。十一月。莊公出犇衛。人立公子班。師爲衛君。齊伐衛。虜班師。更立公子起。爲衛君。衛君起元年。衛石曼專逐其君。起起奔齊。衛出公。輒自齊復歸。立。初。出公立十二年。亾亾在外四年。復入。出公後元年。賞從亾者。立二十一年。卒。出公季父黔攻出公子而自立。是爲悼公。悼公五年。卒。子敬公弗立。敬公十九年。卒。子昭公糾立。是時三晉彊。衛如小侯屬之。昭公六年。公子亾弒之。代立。是爲懷。

衛世家前叙封
康叔為君命頃
侯為侯命武公
為公後叙衛貶
號曰侯更貶號
曰君即此五句
盛衰大概盡之
矣

公懷公十一年。公子頽弒懷公而代立。是為慎公。
慎公父公子適。適父敬公也。慎公四十二年卒。子
聲公訓立。聲公十一年卒。子成侯速立。成侯十一
年。公孫鞅入秦。十六年。衛更貶號曰侯。二十九年。
成侯卒。子平侯立。平侯八年卒。子嗣君立。嗣君五
年。更貶號曰君。獨有濮陽。四十二年卒。子懷君立。
懷君三十一年。朝魏。魏囚殺懷君。魏更立嗣君弟。
是為元君。元君為魏壻。故魏立之。元君十四年。秦
拔魏東地。秦初置東郡。更徙衛野王縣。而并濮陽。

為東郡。二十五年。元君卒。子君角立。君角九年。秦
并天下。立為始皇帝。二十一年。二世廢君角為庶
人。衛絕祀。

太史公曰。余讀世家言。至於宣公之太子。以婦見
誅。弟壽爭死。以相讓。此與晉太子申生不敢明驪
姬之過同。俱惡傷父之志。然卒死。何其悲也。或
父子相殺。兄弟相滅。亦獨何哉。

汲申生無後天
之報善如此
慨嘆中含不然
意 文索

史記鈔附卷之十九
太史公作宋世家而首叙三仁所以宗孔子故贊首亦明言之

史記鈔附卷之十九

嗟箕子乎。嗟箕子乎。正言不用。乃反為奴。武庚既
歿。周封微子。襄公傷於泓。君子孰稱。景公謙德。熒
惑退行。剔成暴虐。宋乃滅亾。嘉微子問太師。作宋

世家第八

太史公曰。孔子稱微子去之。箕子為之奴。比干諫
而歿。殷有三仁焉。春秋譏宋之亂。自宣公廢太子
而立弟。國以不寧者十世。襄公之時。修行仁義。欲
為盟主。其大夫正考父美之。故追道契湯高宗殷

太史公作宋世
家而首叙三仁
所以宗孔子故
贊首亦明言之
文恪
言君子多宋襄
於泓之敗乃傷
中國闕禮義故
多而褒之也且

以其能讓庶兄
目夷為嗣也

季默

按襄公初欲讓
國目夷不果則
相之知其賢于
已也而卒不用
其言襄蓋妄人
耳史多其禮讓
何歟 東菴

所以興作商頌。襄公既敗於泓。而君子或以為多。
傷中國闕禮義。褒之也。宋襄之有禮讓也。

